

Багшрин медрл өөдлүүлгэнд дөнъ боллгын

Мана танъгъчин райодар педагогическ умшлгын болв. Яшалтинск районд эн кōдлмшиг бурдәлгьнд нōкд болхар танъгъчин багшрин медрл өөдлүүлгьнә институтд кōдлдг З. Д. Бадугинова одсмн.

Эн педагогическ умшлгьнд школмуд болгъкас цуг бийнь 35 доклад шалгъдж шуудж хәләлгьгдәд, 12 докладнь танъгъчин педагогическ умшлгьнд темдглв. Ганцхн Соленовск дундин школин багшнр 12 доклад энунд авч ирв. Пленарн хургт КПСС-н райкомин 3-ч сегләтр үр Мазин Нарт делкән бәәдлин тускар лекц умшв.

Энунд умшсн докладмудас Яшалтинск дундин школин завуч үр Д. Д. Дальин, багш Гусева-Иванован „4-ч класст дассан давтлгьн“ болн нань чигн темәр кесн докладс соньн болсн деерән сән гүн ухта болдж темдгдв.

Приютненск районд педагогическ умшлгь бурдәлгьнд, багшрин медрлән өөдлүүлгьнә институтин тууджин кабинетин заведующ П. Д. Орлов орлцв. Эн умшлгьна 7 секцәр арвн негн доклад, тедн дунд эклц классмудин секцәр дөрвн доклад кегдв.

Энунд хальмг классмудин багшрин секцд йир соньн докладс умшгдв.

Багш Очир-Гаряева „Хальмг кел чикәр бичлгьнә зокал“ гидг темәр доклад кев. „Хальмг негдгч классин сургь-ульчирт сургьуль дасхлгьна тускар“ багш Л. Мухлынова доклад кев. „8-10 классмудар тууджин уроксан давтхмн“ — гисн темәр багш Предбанникова доклад кев. Энунд, педагогическ умшлгьна секцсәр нань чигн оln зүсн доклад умшгдв.

Г. УЛАДЖИЕВ.